

晃晃朗朗海心月圓圓融融無欠缺一朝輦出中天來萬古清
暉昏夜白咦打破箇中舍利子任他遊行何須歇

爲杭州靈隱寺慧一僧火化偈

莫著芒鞋亂行走好將雲衲自修藏須彌山上風光好回首曇
花暗吐香 休奔涉莫慌忙從今脫去臭皮囊大千界裏留眞
跡極樂邦中日月長 咦 跳出愛河春日好阿那會上飲瓊
漿

鼎器歌

鼎器本是男女身大藥原來精氣神若會攢來歸一處須用同
心三箇人三箇人無他說只要眞師眞口訣指破陰陽三品丹

道藏輯要

呂帝詩集

十

室集六

方可存心待明月待明月也莫遲收拾身心且築基劈開塵心
拋業網驅除五漏斬三尸斬三尸見鑄劍鍊已通靈知應驗剛
柔變化任施爲萬里驅妖如掣電如掣電劍方靈挂向南方護
水晶若遇北方陰鬼起一刀兩段不容情不容情常清靜心中
皎潔如明鏡鏡心寂滅若虛空始得臨鑪無弊病無弊病可安
鑪調和鼎器勿心粗言語不通非眷屬龍興虎旺始堪圖始堪
圖觀復作音鑿鑿開混沌鴻濛竅靜觀虎嘯與龍吟自然華池神
水到神水到辨浮沉莫教平時時過枉勞心鉛遇癸生須急採金
逢望遠不堪親不堪親休亂取地裂山崩難作主不知止足必
傾危盛夏嚴霜冬大暑冬大暑不遭逢三寶牢關密守中太極